

Turneringsreglementet
UDENDØRSFODBOLD
2026





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



§ 1 Ateq allaffissornerlu

Inersimasunut inuusuttunullu unammiaarnerit ima taaneqartarput “NP-mut anngunnniunneq” imaluunnit „*nunap immikkoortuani pissartanngorniunneq*” aamma „*nuna tamakkerlugu pissartanngorniunneq*” meeqqanullu „*meeqqat unammersuarnerat*”.

Unammiaarnerit taakku Kalaallit Arsaattartut Kattuffianniit (KAK) aaqqissuunneqarlutillu ingerlanneqartarput kattuffiup inatsisaasa § 2 naapertorlugu.

Imm. 2: Aningaasaleerusussinnaasut aningaasaleerusussusaannik kajungerisilersikkusullugit, unammersuarnerit aningaasaliisut suliffeqarfiutaat malillugu atserneqartarsinnaapput assersuutigalugu “KAK (suliffeqarfik) NP”

§ 2 Ukioq Futsal Cupeqarfik Futsal GM-eqarfik aammalu ukiut agguataarneqarneri.

Imm. 1: Arsaannermi Cup aammalu Arsaannermi NP unammiaarnerit ukiua aallartittarpoq 1. Januarimiik naasarlunilu 31. december.

Imm. 2: Meeqqat Cup-imi arsarnermilu NP-ini ukioqatigiiat agguataarneqarneri ima isikkoqarput

Ukioq unammiffiusoq peqataaffigineqarsinnaanngilaq, meeqqanut, inuusuttunut inersimasunulluunniit NP-mi, iligiit ukiui piumasaqaatigineqartut pingajorarterutaat angunngikkunikkit.

Inuusuttut meeqqallu allassimasarput “U”-mik, malitsigalugu ukiut unammiaarnerit aallartinneranni unammisartut ukioqqortunerpaaffissaat, tamatumalu kingorna kisitsisit 2x4 ukiumi inunngorfimmut assersuutaasut

- assersuutigalugu U15-it (2011+2012-imi inuusut)
- assersuutigalugu U13-it (2013+2014-imi inuusut)

UTOQQASAAT

Oldgirls-/boys 45+

Utoqqasaanerusunni peqataasinnaapput unammisartut ukiumi unammersuartitsiffiusumi 45-nik ukioqalertussat.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Oldgirls-/boys 35+

Utoqqasaani peqataasinnaapput unammisartut ukiumi unammersuartitsiffiusumi 35-nik ukioqalertussat.

INERSIMASUT

Angutit

Angutit inersimasut unammiaarnerat angutitut taamaallaat unammiaarneruvoq, unammisartunullu piumasaqaataavoq unammiaarnerup aallartiffiani **16**-ileereersimanissaq.

Arnat

Arnat inersimasut unammiaarnerat arnanut taamaallaat unammiaarneruvoq, unammisartunullu piumasaqaataavoq unammiaarnerup aallartiffiani **15**-ileereersimanissaq.

INUUSUTTUT

U18 nivissat nukappissallu

Unammisartut minnerpaamik 15-inik ukioqartariaqarput ukiumilu unammiaarfiusumi annerpaamik 18-inik ukioqartariaqarlutik. (Angajullersat januaarip aallaqqaataaniit 19-inik ukioqalersinnaangillat)

U15 nivissat nukappissallu

Unammisartut minnerpaamik 13-inik ukioqartariaqarput ukiumilu unammiaarfiusumi annerpaamik 15-inik ukioqartariaqarlutik. (Angajullersat januaarip aallaqqaataaniit 16-inik ukioqalersinnaangillat)

MEEQQAT

U13 nivissat nukappissallu

Unammisartut minnerpaamik 11-inik ukioqartariaqarput ukiumilu unammiaarfiusumi annerpaamik 13-inik ukioqartariaqarlutik. (Angajullersat januaarip aallaqqaataaniit 14-inik ukioqalersinnaangillat)

U11 nivissat nukappissallu

Unammisartut minnerpaamik 9-inik ukioqartariaqarput ukiumilu unammiaarfiusumi annerpaamik 11-inik ukioqartariaqarlutik. (Angajullersat januaarip aallaqqaataaniit 12-inik ukioqalersinnaangillat)



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



U9 nivissat nukappissallu

Unammisartut minnerpaamik 7-inik ukioqartariaqarput ukiumilu unammiaarfiusumi annerpaamik 9-inik ukioqartariaqarlutik. (Angajullersat januaarip aallaqqaataaniit 10-inik ukioqalersinnaanngillat)

U7 nivissat nukappissallu

Unammisartut minnerpaamik 5-inik ukioqartariaqarput ukiumilu unammiaarfiusumi annerpaamik 7-inik ukioqartariaqarlutik. (Angajullersat januaarip aallaqqaataaniit 8-inik ukioqalersinnaanngillat)

U5 nivissat nukappissallu

Unammisartut minnerpaamik 3-inik ukioqartariaqarput ukiumilu unammiaarfiusumi annerpaamik 5-inik ukioqartariaqarlutik. (Angajullersat januaarip aallaqqaataaniit 6-inik ukioqalersinnaanngillat)

U3 nivissat nukappissallu

Unammisartut minnerpaamik 0-inik ukioqartariaqarput ukiumilu unammiaarfiusumi annerpaamik 3-inik ukioqartariaqarlutik. (Angajullersat januaarip aallaqqaataaniit 4-inik ukioqalersinnaanngillat)

Imm. 3: Inersimasuni inuusuttuniluunniit unammisartup minnerpaamik ukiussatut aaliangiunneqarsimasut angusimanngikkunigit, unammersuortoqarnissanut peqataasinnaanissamut immikkut akuersisummik allakkatigut KAK allattoqarfianut qinnuteqartoqarsinnaavoq.

Imm. 4: Meeqqat ukiut agguataarneqarnissaannut piumasaqaatinut naammassinninngitsut, unammersuarnerni peqataasinnaatitaapput unammersuarnerni aaqqissuisut qanimut isumaqitigiissuteqarfigineqarnerisigut. Aaqqissuisut naliliinerminni arstartup timikkut qanoq issusaa eqqarsaatigisariaqarpaat.

Imm. 5: Timersoqatigiiffiit KAK-mut GIF-imullu ilaasortatut nalunaarsugaatiminnik tunniussisimasut, ilaasortaanermut akiliummik akiliisimasut aamma KAK-mut nalunaarsuinnermut akiliummik akiliisimasut unammiaaarnerni peqataasinnaapput. Timersoqatigiiffiit tamarmik ilaasortatut nalunaarsugaatiminnik ukiumut marloriarlutik nassiussisariaqarput, siullermik kingusinnerpaamik januaarip aallaqqaataani aappaalu kingusinnerpaamik juulip aallaqqaataani.



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 6: Ukiumi unammersuarfiusumi unammersuarnerit amerlassusissai aaliangerneqartassapput kattuffiup aningaasaatai aallaavigalugit.

§ 3 Unammeqataasinnaassuseq

Imm. 1: Unammersuarneq amatørutit arsaattartut Kalaallit Nunaanni najugaqartunut atuuppoq.

Imm. 2: Arsaattartoq Kalaallit Nunaanni innuttaasut nalunaarsorsimaffianni nalunaarsorsimasariaqarpoq kiisalu klubbimi KAK-mut ilaasortaasumi ilaasortaasariaqarluni isikkamik arsaannermi nunatsinni unammersuarnernut NP/Cup-imut peqataasinnaassaguni, taamaattorli imm. 6-imi aamma 7-mi aalajangersakkat naapertorlugit allatut periarfissinneqarsinnaapput.

Imm. 3: Arsaattartoq klubbimut aalajangersimasumut peqataasinnaavoq, klubbimi tassani sivikinnerpaamik ullut 30-t ilaasortaasimaguni aammalu § 4-mi piumasaqaatit naammassisimappagit.

Imm. 4: Inuusuttuni imaluunniit inersimasuni arsaattartoq, nammineq klubimini pineqartumi ukioqatigiiaaqanngippat, imaluunniit klubberisaa NP-mut peqataaniarluni nalunaarsimanngippat, klubmut allamut klubimi atukkiukkallarneqarsinnaavoq, klubberisamini ilaasortaaneq allanngortinngikkaluarlugu.

Imm. 5: Imm. 4 naapertorlugu arsaattumik/-tunik atukkiussinerit klubbit akornanni allaganngorlugu isumaqatigiissusiorneqassaaq, isumaqatigiissullu e-mailikkut KAK-p allaffeqarfianut nassiunneqassaaq

Imm. 6: Nunani allani arsaattartuusoq, amatøruguni, akissarsiutigalugu arsaattartuuguni arlaatigulluunnit akissarsitinneqartartuuguni NP-mut peqataasinnaavoq imm. 7-imi maleruagassat malillugit.

Imm. 7: Klubbip isikkamik arsaannermi NP/Cup-imut nunami allaneersut peqataatissinnaavai annerpaamik tallimat (5) arsaattut ukuusut:

- Kalaallit Nunaanni innuttaasut nalunaarsorsimaffianni nalunaarsoqqanngitsut. Arsaattut taakku unammersuarnerup aallartinnginnerani ullut 30-t minnerpaamik klubbimut KAK-mut ilaasortaasumi ilaasortaasimassapput kiisalu § 4-mi piumasaqaatit allat naammassisimassallugit.



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 8: Imm. 7 malillugu ilaasortaanissaq aatsaat atuutilersinneqassaaq klubbip ilaasortanngorfiata ilaasortaanermut akiliutip akilerneqarsimaneranut uppersarsaat KAK-p allaffeqarfianut nassiunneqarpat. Uppersarsaat ullut 30-t ilaasortaareerfigisassat qaangiutsinnagit tiguneqareersimassaaq.

§ 4 Klubbimut allamut nuunneq

Arsartartoq isikkamik arsarnermi futsal NP-imut/Børne Cupimut peqataasinnaavoq §3-mi immikkoortoq 2 malillugu klubbimut ilaasortaaguni. Arsartartoq illup iluani silamiluunniit NP-imut/Børne cupimulluunniit klubbimut allamut ilaasortaalluni arsaateqataasinnaasimaguni, klubbimullu allamut nuussimalluni, taava arsartartoq unammersuarnermut peqataaniaruni unammeqataasinnaanermut uppersarsaat (spillercertifikat) immersorneqarsimasoq nassassavaa, taamaasiornikkullu klubbimi nutaami unammeqataasinnaangussaaq. Klubbeq inuusuttut unammersuarneranni peqataasinnaangikkuni, taava klubbimi tassani arsartartoq klubbimut allamut attartortinneqarsinnaapput, taamaasiortoqassappallu klubbit kattuffimmut saaffignissapput. Unammeqataasinnaanermut uppersarsaateqartoqarnissaa meeqqanut utoqqasaanullu (oldboys/girls) atuutinngilaq.

Imm. 2: Unammeqataasinnaanermut uppersarsaatit arsartartumut tunniunneqartassapput, pineqartoq ilaasortaanermut akiliutinut akiliisimappat aammalu NP Futsalimut ingerlanneqartumut/ingerlanneqalersumut peqataasimanngippat. Peqqutit allat atorlugit uppersarsaatip tunniunneqarnissaa itigartitsissutigineqaqqusaanngilaq.

Imm. 3: Klubbimut allamut nuunniaraanni KAK-p allattoqarfia immersugassamik noqqaavigineqassaaq. Ulloq allagartamik nuunermik qinnuteqarfigineqartoq ilaasortaaffimmit aninertut nalunaarsorneqassaaq. Ilaasortaanermut uppersarsaat klubbimut ilaasortaaffigisimasaanut aamma klubbimut ilaasortanngorfissaanut nassiunneqassaaq, taakkualu uppersarsaat immersorlugulu atsiussavaat. Klubbi ilaasortaaffigisimasaata ulloq ilaasortaajunnaarfia atsiussavaa, klubbimilu ilaasortanngorfiata ulloq ilanngunneqarfia allassavaa. Arsartartoq klubbimi ilaasortanngorfimmini unammeqataasinnaalissaaq aatsaat ilaasortaanermut allagartaq tamanit immersorneqareerluni atsiorneqarsimalerpat. Allagartaq immersorneqarsimasoq uunga nassiunneqassaaq: kak@kak.gl kingusinnerpaamik nuummersiit sapaatip akunnera qaangiutsinnagu. Aammattaaq klubbip uppersarsaat piumaffigineqarnermi takutinnissaa piareersimaffigissavaa, assersuutigalugu unammiaarnermut atatillugu imaluunniit unammineq sioqqullugu.

Imm. 4: Unammisartooq unammisartuujumalluni timersoqatigiiffisaminit KAK-milluunniit, imaluunniit timersoqatigiiffimmit Kalaallit Nunaanni Timersoqatigiit Kattuffianni ilaasortamit, anisitaasimasussaannngilaq.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



Imm. 5: Arsartartoq pineqartoq anngunniunnerni klubbimut allamut ilaalluni peqataasimassanngilaq. Angunniunnermi unamminerit pineqartut aallartinnermiusinnaapput mellemrundimiissinnaallutilluunniit.

§ 4 a: Hashimut sukasaasertissimanermullu misissortinneq

Imm. 1: Unammersuarnermi (aallartinnerani – mellemrundemi – ajugaanniutivinnernilu) unammisut, sungiusaasut dommerillu akornanni hashimut sukasaasertissimanermullu misissuisoqarsinnaavoq.

Misissortinnissamut nalaatsortumik toqqarneqartut misissorneqarnissaminut pisussaataapput. Misissorneqartussaq misissortinnissaminut itigartitsiguni unammersuarnerup sinnerani peqataasinnaajunnaartitaassaaq.

Imm.2: Misissortittup misissortinnermini atuisimasutut paasisaaguni, taava unammersuarnerup sinnerani peqataasinnaajunnaartitaassaaq.

Imm. 3: Misissuinermi holdeqatigiit marlunnit amerlanerusut atuisimasutut paasisaagunik, taava holdi tamarmi unammersuarnermi peqataasinnaajunnaassaaq (Antidopingimi malittarisassat assigalugit).

Imm. 4: Unammeqataasoq/t imaluunniit sungiusaasoq/t hashimik tigummiarlutik paasisaagunik KAK-p malittarisassaanni § 12 aammalu §13-i malillugu KAK-mi siulersuisut ataatsimut aaliangiissapput pineqartoq imaluunniit klubbi qanoq pineqaatissinneqassanersoq.

Imm. 5: Imm. 1-miit 3-mut pineqartut eqqarsaatigalugit KAK-p malittarisassaanni § 12 aammalu § 13-i malillugit KAK-mi siulersuisut ataatsimut aaliangiissapput pineqartoq imaluunniit klubbi arlaatigut qaavatigut pineqaatissinneqassanersoq.

§ 4 b Imigassamut politikki

KAK-minngaanniit neriutigineqarpoq meeqqat, inuusuttut angajoqqaallu toqqissisimanartumut imigassartaqanngitsumut aanngajaarniutitaqanngitsumullu ataatsimoornermut peqataasinnaassasut.

Aalakoornartut aanngajaarniutillu allat inuusuttut meeqqallu (U18-iniik ammut) KAK ataani aaqissuussani inerteqqutaalluinnarput.

Imm. 1: Klubbit unammisartullu namminneerlutik KAK-p inersimasunut unammersuartitsinerani unammeqataasut imigassamik iluamik atuinissaannik akisussaaffeqarput.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 2: Unammisarteq/t anngunniunnerup unammersuarnerulluunniit nalaani naggataarnersiornermut attuumassuteqanngitsumik, ersittumik aalakoortoq/t takuneqarsimappat/a, unammersuarnermi aqutsisut, KAK-p malittarisassaanni § 12 aammalu § 13-i malillugit, KAKmi siulersuisunut pineqaatissiissutaasinnaasumik siunnersuuteqarsinnaapput.

§ 5 NP-it ingerlanneqarneri

Imm. 1: KAK-p siulersuisuisa ukiup tulliani unammiaarnissat inissittassavaat, tamannalu pissaag klubbit aqqissuisussatut neqeroorfigineqareerpata.

Imm. 2: Unammiaarnerit sumi ingerlanneqartassanersut sapaatillu-akunneri unammiffiusussat kingusinnerpaamik oktobarip 15-ianni tamanut saqqummiunneqassapput. Aappaagu NP-mut ukioqqatigiiaat aqqissuisussaannik nassaarsimanngikkunik, aqqissuisussat, sumi unammisoqassanersoq ullullu qaqugu unammisoqassanersoq kingusinnerusukkut aalajangerneqarsinnaapput. Siulersuisut akisussaaffigaat aqqissuisussat inissinneqarnissaat pisariaqanngitsumik kinguarsarneqanngitsumik.

Imm. 3: Unammiaarnerit sumi ingerlanneqassanersut, ullut aallartiffii ullullu naammassiffii pillugit KAK-p Allattoqarfiata inaarutaasumik pilersaarutit saqqummiutissavai kingusinnerpaamik novembarip 15-iani, tamanna KAK-p siulersuisuisa kisimik allannngortissinnaavaat.

Imm. 4: Aqqissuisut timersoqatigiiffiilluunniit peqataasussat unammiaarnissap pilersaarutaanik allannguisoqarnissaanut kissaateqarpata, kingusinnerpaamik novembarip 25-tinnagu KAK-mut allakkatigut nalunaarutigineqassaaq.

Imm. 5: Unammisaqattaarnissat pilersaarutaat, klubbit aqqi ilanngullugit, klubbinut nassiunneqassapput unammiaarnerit aallartinnissaat qaammatit marluk sioqqullugit. Klubbit allannngortitserusukkunik KAK-mut allakkatigut nalunaarutigissavaat unammiaarnerit aallartinnissaata sapaatip akunneri sisamat sioqqullugu.

Imm. 6: Unammiaarnissamut sumulluunniit klubbi nalunaarsimasoq tunuarniarluni nalunaaruni unammiaarnissat aallartinnissaat sapaatip akunneri 3 ataallugit sivilisuseqalereersimasoq, taava tunuarniut allaffissornermut akiliinermik kinguneqassaaq 2.000 kr.-imik. Peqataaniarluni nalunaarnermi akiliut utertinneqarsinnaassanngilaq, KAK-p allatut ajornartumik unammiaarnermik unitsitsinera patsisaanngippat.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 7: Unamminerit pilersaarusioneqartut malillugit ingerlanneqarsinnaanngippata, unamminerit kinguartinneqarsinnaanerat pillugu piffissaagallartillugu KAK-p allattoqarfianut saaffiginninnissaq aaqqissuisut akisussaaffigaat. Pilersaarutiniq allannortitsineq ilaatigut angallannermi pissutsinik arsaafissallu qanoq inneramik peqquteqarsinnaavoq.

Imm. 8: NP-ni inersimasuni aamma inuusuttuni klubbit peqataasussat amerlanerpaamik quliussapput. Unammersuarnissamut peqataaniarlutik nalunaarsimasut qulit sinnerpatigit nunap immikkoortuini holdinik amerlanerpaamik peqataaniarluni nalunaartoqartuni anngunniuttoqassaaq.

Imm. 9: NP-mi nalunaarsimasut/peqataaniartut 4-nit ikinneruppata, katersukkat holdii imaluunniit illoqarfimmi holdi imaluunniit assingusoq ilanngunneqarsinnaavoq pisortatigoortumik NP-mik ingerlatsinissaq piviusunngortinniarlugu. Taamatut pisoqassappat § 3 Unammeqataasinnaassuseq-mi piumasaqaatinik assigiinngitsunit atorunnaarsinneqassapput. Kisianni § 4, imm. 4 sulit atuuppoq.

Imm. 10: Unammiaarnerup aallartinnginnerani unammiaarnermi aqutsisussat pilersinneqassapput, minnerpaamik aaqqissuisunit sinniisuusunik marlunnik, dommeriniit sinniisussamik ataatsimik, KAK-millu sinniisussamik ataatsimik, taamaatumik illoqarmimmi unammiffiusumi najuuttoqarpat. Unammiaarnerni aqutsisut suliassaraat unammersuarnermi malittarisassat malillugit isumaqatigiinnginnerit aaqqinneqarnissaat malittarisassallu malinneqarnissaat.

Imm. 11: Arsaannermut inatsit atuuttoq malillugu unammisoqassaaq. (Taamaakkaluartoq KAK pisinnaaffeqarpoq nammineerluni unammisitsinerminut nammineq malittarisassanik naleqqussaanissaminut, takuuk KAK-p unamminerit pillugit malittarisassai)

Imm. 12: Unamminerit sivilisussusissaat ataani allattorsisutut sivilisutigissapput. Taamaattorli piffissaalatsilernerup kinguneranik aaqqissuisut piffimmilu unammersuarnermik aqutsisut isumaqatigiissutigisinnaavaat unamminerit qanoq sivilisutigissanersut.



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



Unamminerup sivilissusissaa:

Unamminerup sivilissusissaa, dommerip piffissamik ilanngussinissaa ilanngunnagu:

- a) Inersimasut aamma U18: 2 x 45 min
- b) U15 nukappiaqqat aamma U15 niviarsiaqqat: 2 x 30 min bane nalignnaasumi, imaluunniit 2 x 35 min 8-9-mandsbane-mi (arsaaffiup pingajorarterutaat marluk)
- e) U-13 (8-mands): 2 x 30 min arsaaffiup angissusaa 2/3-mi
- f) U-11 (8-mands): 2 x 25 min arsaaffiup angissusaa 2/3-mi
- g) U-7 aamma U-9 (5-mands): 2 x 15 min (nakappiaqqat niviarsiarartaqarsinnaapput)
- h) Unitsiarneq (nikinnermi) sivilisunerpaamik 15 minutsinik sivilissuseqassaaq. Meeqqanut tunngatillugu unitsiarnerup (nikinnermi) sivilissusissaa aaqqissuisunut isumaqatigiissuteqarfiussaaq

§6 Unamminermi atisat

Imm.1: Klubbit tamarmik nammineq unammiffiqisami atisarisartakkanik allallu unammiffiqisaanni atisarisartakkanik atisassaqaassapput.

Unammissutit qalipaatai

- Holdit marluk unammisussat imminnut dommerinullu qalipaatemikkut assigiinngitsunik atisaqassapput,
- Arsartut málaniittuusut (Keepere) imminnut, arsaartunut allanut dommerinullu qalipaatemikkut assigiinngitsunik atisaqassapput.
- Arsartut málaniittut (Keepere) tamarmik assigiimmik qalipaatilinnik atisaqarpata taarsiinnaangikkunillu dommerip unammineq ingerlaannassasoq aalajangertassavaa.

Tujuuluaqqap iluani (undertrøjer) atugaq pingittoorani:

- Aavisa qalipaataat tujuuluaqqap unammissutip qalipaateqatigissavaat, imaluunniit
- Allalersugaassalluni qalipaateqarluniluunniit unammissummut assingulluinnartunik

Qarleeqqat iluanni atukkat (undershorts) qernertuusinnaapput imaluunniit qarleeqqat qalipaategisaannit qalipaateqarnerusinnaallutik.

Unammiaarnermi aqutsisut piumasaqarsinnaapput taartissat saniatigut ”teknisk områdemittut” unammisartut dommerillu qalipaataannik allaanerusumik atisalersortassasut.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



Imm.2: Kanaarnaveequtiniq atuisoqassaaq. Dommeriminngaanniit unammisoq kanaarnaveequtiniq atuinngitsoq paasineqarpat, pineqartoq arsaaffimminngaanniit anisinneqassaaq, aatsaallu iseqqissinnaalluni kanaarnaveequsersimaguni.

Imm.3: Unammersuarnerup aallartinnissaanut paasissutissiilluni katersortitsinermi imaluunniit kingusinnerpaamik ulloq unammiffiusussaq sioqqullugu klubbit naapitsinneqassapput, tassanilu aaliangerneqassapput unammisussat unamminerni ilaaffissaminni qalipaatiit sorliit atussaneraat. Unammisut qalipaatai assigeeriasaassappata holdit allat unammiffigisaanni unammisussat (pilersaarummi kingulliullutik taaneqartut) pisussaapput atisanik allanik qalipaatilinnik atisinissaminnik.

§ 7 Pokaler og ujammit i.i.

Imm. 1: Arsarnermi NP-imi RM-imiluunniit ajugaasut "Pissartatut" imaluunniit "Piffimmi pissartatut (Regionsmesteritut)" imminnut taasinnaapput ukiup tulliani NP/RM-ertoqarnissaata tungaanut.

Imm. 2: Inersimasuni arsaannermi NP-ertoqarnerani ajugaasut GIF-iminngaanniit pissartat ujamminnattarisartagaannik "Tuukkamik" pinnatsinneqartarput.

Imm. 3: Arsarnermi NP-ini tamani ajugaasut tamarmik KAK-minngaanniit guldinik ujaminnatsinneqartarput, nr. 2-nngortut 3-nngortullu KAK-minngaanniit sølvinnatsinneqarlutillu bronzennatsinneqartarput.

Imm. 4: Ajugaasut tamarmik, nr.2-nngortut 3-nngortullu ilanngullugit ujaminik pissaqartinneqartarput, soorlu aamma sungiusaasoq sungiusaasullu ikiortai pissarsitinneqartartut, annerpaamik 25-inik ujaminnattassaqaqartarpoq. (Arsartut 20-it taavalu aqutsisut tallimat)

- 11 mandsimi (arsartut 20-t aqutsisullu 5) katillugit 25
- 8 mandsimi (arsartut 16-t aqutsisullu 4) katillugit 20
- 7 mandsimi (arsartut 14-t aqutsifullu 3) katillugit 17
- 5 mandsimi (arsartut 10 aqutsisullu 3) katillugit 13

Imm. 5: Arsarnermi NP-ni pissartanngortut tamarmik immikkut pigisassaminnik pokalimik KAK-mit tunniunneqassapput. Tamatuma saniatigut pokalimik ataatsimik ingerlaartumik tunniussisoqarsinnaavoq, klubbi tulleriiginnarnik pingasoriarluni pissartanngorniunnermi ajugaasimappat imaluunniit ukiuni 5-ini 3-riarluni pissartanngorniunnermi ajugaasimappat,



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



pokali ingerlaartoq pigilivissavaat. Pokalinik allanik tunniussisoqassanngilaq, mini-pokalit minillugit, taakku ataasiakkaanik nersornaasiinerni nersornaatitut tunniunneqarsinnaapput.

§ 8 Dommerit

Imm. 1: Klubbip aaqqissuisuusup akisussaaffigivaa, anngunniunnerni piffimmilu immikkoortortani unammersuarnerni, dommerinik Kalaallit Nunaanni Dommerit Kattuffianni ilaasortaasunik dommerissarsisimanissaq.

Imm. 2: Kalaallit Nunaanni Dommerit Kattuffiata KAK-llu akornnanni isumaqatigiissut malillugu Kalaallit Nunaanni Dommerit Kattuffiata akisussaaffigissavaa unammersuarnerni dommerissaqarnissaq.

Imm. 3: Unamminerup siulliup ingerlanneqarnissaanut kingusinnerpaamik ullut 30-it sioqqullugit Kalaallit Nunaanni Dommerit Kattuffiata akisussaaffigivaa unammersuarnerni dommeriusussat nalunaarsornerat KAK-mut akuerisassanngorlugu nassiunnissaa.

Imm. 4: Unammiaaarnerni dommerit sinaaniittussamik (FIFA-mi dommerimik) toqqaasoqarsinnaavoq, taannalu ilaatigut taartaasinnaavoq unammiffiullu avataani pisortaalluni. Dommerip ikiortissaanik dommerip nerriaviani inissisimasussamik aaliangeeqataasinnaannngitsumik aamma toqqaasoqarsinnaavoq. Pineqartoq dommeritut ilinniarsimasariaqanngilaq, taamaakkaluartorli suliassaminut ilitsersuunneqarsimassalluni.

§ 9 Akerliunermik nalunaarneq

Imm. 1: Holdimi anføri unamminerup ingerlanneqarnerani misigiguni dommeri malittarisassanik eqqunngitsumik atuisoq, erngerluni unamminerup ingerlanerani akkerliunermik dommerimut nalunaarutiginnissaaq, taamaasiortoqarsimatillugumi aatsaat naammagittaalliuutiginninneq atuutsinneqarsinnaammat.

Imm. 2: Akerliunermik nalunaaruteqarsimaneq pillugu sungiusaasoq imaluunniit aqutsisoq pisimasooq pillugu unammereermerit akunnerit sisamat qaangiutsinnagit allakkatigut nalunaarutiginnissaaq, taannalu unammersuarnermut aqutsisunut imaluunniit piffimmi unammersuarnermut ataatsimiititaliamut qularnaveequtitalerlugu tunniunneqassalluni.

Imm. 3: Akerliunermik suugaluartumilluunniit tunniussineq qularnaveeqqummik 500 kr.-imik annertussusilimmik ilaqartassaaq. Mobilepay-ikkut; 969072 imaluunniit KAK-p kontoanut ikineqassapput.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



Imm. 4: Piffimmi unammersuarnermi aqutsisut qaqugukkulluunniit akerliunermik nalunaarutip iluamik misissornissaanut pisussaaffeqarput. Unamminermi malittarisassat arsaannermilu malittarisassat malinneqarsimanngippata, ataatsimiititaliaq akerliunemut isumaqataasinnaavoq, imaluunniit nalilersuisoqarsimappat akerliuneq tunngavissartaqanngitsoq, taava akerliunermik nalunaarutiginninneq itigartitsissutigineqarsinnaavoq.

b. Dommerip takusani aallaavigalugit siggarsimappat, tamannalu unammisumit akerlerineqarsimappat, unamminerup aallaqqaataaneertinnissaanik kinguneqarsinnaanngilaq.

Imm. 5: Klubbi piffimmi unammersuarnermi aqutsisut aaliangiussaanut isumaqatiginninngikkuni, suliaq KAK-p allattoqarfia aqqutigalugu KAK-mi unammersuarnermut ataatsimiititaliamut (turneringsudvalgimut) suliaq ingerlateqqinneqarsinnaavoq.

§ 10 Unamminerit nalunaarutigineri

Imm. 1: Dommerip nalunaarusiornera

Unamminerup naammassineraninngaanniit akunnerup affaa qaangiutsinnagu unamminermi dommerit unammineq pillugu nalunaarusiussapput, taannalu unamminermi ingerlatsisunut imaluunniit kattuffiup aallartitaanut unammiffimmiittumut tunniunneqassaaq.

Nalunaarusiami ima allassimasoqassaaq:

- Unammiaarnerup taaguutaa ukioqatigiillu sorliit
- Ulloq sumilu
- Iligiit aqqi
- Unamminerup inernera
- Kikkut isertitsisuunersut
- Mianersoqqusinerit anisitsinerillu
- Naammagittaalliuutit allallu maluginiagassat
- Dommerit aqqi

Nalunaarusiaq elektroniskiusumik unammiaarnermi aqutsisunut nassiunneqassaaq.

Elektroniskikkut nalunaarusiortoqarsinnaanngikkaangat, nalunaarsuut assammik immersorneqarsimasoq unammiffiusumi Unammiaartitsinermut Aqutsisunut tunniunneqassaaq, taakkualu kingorna nalunaarusiaq elektroniskiusumik nalunaarsussavaat. Nalunaarutit Unammiaartitsinermut Aqutsisoqarfimmit



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



katersorneqassapput, taakkulu unammiaarneq naammassippat nalunaarusiat KAK-mut nassiutissavaat.

Imm. 2: Timersoqatigiiffiit tamarmik pisussaaffeqarput unamminerup aallartinnissaa nalunaauquttap akunnera ataaseq sioqqullugu holdkorti sungiusaasumit ikiortaanilluunniit atsiorneqarsimasoq dommerimut imaluunniit dommerit nerriviannut tunniutisallugu, allatut isumaqatigiissuteqartoqarsimanngippat.

Imm. 3: Iligiit tamarmik, unammiaarnerni peqataasut, unamminerimi ataatsimi (aallartiffiusumi/mellemrundimi/finalimiluunniit) 20-inik peqataatitaqarsinnaapput. Taakku arsaartussat holdkortimut allattorneqassapput, taakkulua saniagut paarlatsissamaatit allanneqassallutik. Holdkortimuttaaq ilanngunneqarsinnaapput sungiusaasoq taassumalu ikkiortai. Holdimi anføriusup aqqata nalaani krydseqassaaq.

Imm. 4: Aallarnernitaasaasuni, anngunniunnerni pissartanngorniutivinnernilu arsaartut 20-t annerpaamik peqataatinneqarsinnaapput. Arsaartut kikkuneri unammiaarnerni taasani pingasuni allanngorarsinnaapput, unammiaarnerulli ataatsip iluaniunngitsaq.

Imm. 5: Inersimasuni inuusuttunilu unamminerimi arfineq-marlunnik taarsiisoqarsinnaavoq. Meeqqat unammineranni killeqanngilaq qanoq amerlatigisunik taarsiisoqarsinnaanera.

Imm. 6: Semifinale-ni finale-ni 3-nngorniunnernilu arsaanneq sivitsorneqarsimatillugu unammeqqinnermi arsaattunik marlunnik paarlaasoqarsinnaavoq 90 minutsit iluani arfineq marluk taarserneqarsimasut qaavatigut.

Imm. 7: Dommerip imaluunniit FIFA-dommerip unammisut taarserneqartut nalunaarsussavai.

Imm. 8: Arsaannermi malittarisassat tassaapput arsaannermi inatsisit „The International Football Association Board“-imit akuerineqartut, aamma nunani tamalaani aalajangersakkat taakkununga attuumassuteqartut.

Imm. 9: Meeqqanut Cupimi malittarisassat sakkukillisinneqarsinnaapput. Taamaattoqartillugu aqqissuisut pisussaapput unamminerit aallartinneginneranni dommerinut tamanna nalunaarutigissallugu.

- b. Arsamik illumut miloriussinnermi niuata aappaa kivinneqarsinnaavoq.
- c. Arsamik målíniik aallartitsinnermi nunamut tutseqqaarnagu aallartitsisoqarsinnaavoq.
- d. Killeqanngitsumik taarsiisarneq atorneqarsinnaavoq, taarserneqareernikoq iseqqissinnaavoq, taarsiineq unamminerup unillatsiarnenerani aatsaat pisinnaavoq.
- e. Utaqqisitsisarneq atuutsinneqassanngilaq.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 10: Arsarnerup malittarisassaani allanik pisariaqartinneqaraangat allannguisoqarsinnaavoq.

§ 11 Arsaattarfik

Stk. 1: 11-mandsbane: Arsaaffiup FIFA-p inatsisai malinneqassaaq. § 1-mi aaliangersakkat malillugit. Arsaattarfiit taammaattut amerlassusii killeqarmata Kalaallit Arsaattartut Kattuffiata siulersuisui pisinnaatitaapput immikkut ittumik akuersisummik tunniussaqaallutik arsaaffiup qanoq issusia apeqqutaatillugu, tamannalu pisimasariaqarpoq unamminerup aallartinginnerani.

Stk. 2: 8 mands bane: Arsaaffik sanimoorlugu atussavaat (unammisut 8-pata). Arsaaffiup titarnilersorneqarnissaa ataani takuuk.

Stk. 3: 9 mands bane: Arsartut qulaaluakkaarpata arsaaffik bane-p 2/3-ia atorlugu unammisoqarsinnaavoq. Arsaaffiup titarnilersorneqarnera aaqqissuisut aaliangissavaat.

Stk. 4: 3-5 mands bane: Arsaaffiup affaata affaani baneqassaaq. Takuuk ataani.

Arsaaffit angissusaat meeteri atorlugu:

	Arsaaffik	Straffesparksfelt	Målfelt	Mål angissusissaat
	Banen	Straffesparksfelt	Målfelt	Mål størrelse
11-mands*	105 x 68	40,32 x 16,5	18,32 x 5,5	7,32 x 2,44
7/8-mands	68 x 52,5	25 x 8	-	5 x 2
5-mands	40 x 30 13 x 5	13 x 5	-	3 x 1,5
3-mands	21 x 13	-	-	1,5 x 1

11-mands*= Ved regionsmesterskaber kan 90x45 m bruges.

§ 12 Arsat

Stk. 1: Klubbi aaqqissuisoq pisussaavoq unammersuarnerup aallartinnerani arsanik atorneqartartussanik unamminernut tamanut (aallarniutaasuni anngummiunnernilu) naammattunik tunniussissalluni.

Stk. 2: KAK pisussaavoq ajugaanniutivinnerni tamanut arsanik atorneqartartussanik tunniussinissaminut. Arsat atorneqartussat tamarmik dommerininngaanniit akuerineqaqqaassapput malittarisassallu malillugit pullanneqarsimassallutik.

Stk. 3: Ajugaanniutivinnerni arsat atorneqartussat KAK-mut tapersersuisuninngaanneersut atorneqassapput. Suliassarlu KAK-mingaanniit suliarineqassaaq.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Arsat angissusissaat ukioqatigiiaanut (DBU siunnersuutai)

- **U6 - U8 (meeqqat mikinerit):** Angissuseq 3 (ca. 58,5-61 cm).
- **U9 - U14 (meeqqat):** Angissuseq 4 (ca. 63,5-66 cm).
- **U15 - Senior (inuusuttut inersimasullu):** Angissuseq 5 (68-70 cm).
- **U16 - Senior (niviarsiaqqat inuusuttut arnallu):** Angissuseq 5 (68-70 cm).

Stk.3: Unamminerup nalaani arsaaffiup sinaani arsalerisoqassappat(bolddrenge), dommerip arsat akuerisai amerlanerpaamik arfiniliussapput.

§ 13 Unamminissamut peqataanngitsoorneq

Imm. 1: Klubbi inatsisit malillugit arlaatigut peqquteqarani pilersaarutit malillugit unamminissaraluaminut annerpaamik minutsit 15 sinnerlugit piareerluni unammeriaannangorsimangippat, dommeri pisinnaatitaavoq unamminissaraluamik taamaatiinnartitsisinnaanissaminut. Dommerip klubbi unamminermut aggingitsoortoq ajorsartutut nalilissavaa. Taamaattoqarsimatillugu dommeri pisut pillugit KAK-mut nalunaarusiussaaq.

Imm. 2: Unamminermi peqataasussat Klubbi/Holdi illoqarfik unammiffissami minnerpaamik ulloq ataaseq sioqqullugu tikereersimasussaapput. Holdi angalanissaq unammiffiusussaq ulloq sioqqullugu tikittussatut aqqutissiorsimaguni, kisianni angallannermi arlaatigut kinguaattoortoqarluni imaluunniit sila peqqutaalluni kinguaattoortoqarluni unamminissaminillu angumersinngitsoorluni, tamanna unamminissamut takkutinngitsoornertut nalilerneqarsinnaanngilaq, kisiannili pisariaqarluni arlaatigut programmip iluarsaateqqittariaqarnera.

Imm. 3: Klubbi holdiluunniit ulloq taanna unammersuarnerut allartiffissaa eqqorlugu tikiffissani aqqissuussimaguniuk tikingitsoorlunilu imaluunniit angerlarfissani aqqissimaguniuk unammersuarnerneq sulii naanngitsoq, tamanna klubbip nammineq akisussaaffigissavaa, tamannalu unamminermut takkutinngitsoortutut nalilerneqassalluni.

Imm. 4: Tamatuma kingorna KAK-p unammersuarnermut ataatsimiitsitaliaata nalilissavaa, klubbi qanoq pillaatissinneqassanersoq.



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 5: Pineqaatissiissutaasinnaasartut assigiinngitsut sisamat tassaapput:

- a) Unamineq 0–3 –mik ajorsarfiussaaq
- b) kr. 1.000, -imik akiligassiisoqassaaq
- c) Klubbip maannamut angusaanik atorunnaarsitsineq
- d) Ukiup sinnerani unamminissanut/unamminissamulluunniit tulliuttumut ilaasinnaajunnaartitaaneq.

§ 14 Unammisitsinerni aningaasaqarniarneq

Imm. 1: Unammersuarnerit ingerlanneqassapput klubbip peqataanarlutik akiliutaannit aammalu KAK-mit tapiissutinit Kalaallit Nunaanni Timersoqatigiit Kattuffiata ingerlatsinermut tapiissutai atorlugit.

Imm. 2: KAK-ip aningaasaatai apeqqutaallutik, KAK-i unammisoqaqqinnissaanut aningaasalersuinini unitsikkallarsinnaavaa.

Imm. 3: Kalaallit Arsaattartut Kattuffiat timersoqatigiiffinnut peqatigiiffinnullu nerisassanik tapiissuteqarneq ajorpoq, aamma tamanna aaqqissuussisunut atuuppoq. Nerisaqartitsineq nammineq akusissaaffigineqartarpoq.

§ 15 Turneringsformer

Imm. 1: Kreds-/piffinni unammersuarnerit (Regionsmesterskabet), NP ligatut, cup-itut imaluunniit unammiffisartakkami allaluunniit unammiffisartagaattut ingerlanneqarsinnaapput. (Indledende taavalu mellemrunder anngunniunnertut isigineqassapput)

Imm. 2: Piffinni unammersuarnerit (Regionsmesterskabet) / NP aamma ingerlanneqarsinnaapput nunami inissisimaffik aallaavigalugu klubbip agguataarinikkut ingerlanneqassallutillu pingasoqiusamik, unamminerit aallarniutaasut(indledende), mellemrundit ajugaanniutivinnerillu.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 3: Malittarisassat tulluuttut atuupput:

Inersimasuni klubbi amerlanerpaamik holdimik ataatsimik sassartitsisinnaavoq, inuusuttunilu amerlanerpaamik marlunnik holdeqarsinnaapput, meeqqani killeqanngillat.

Unammiaarnerni ukunani klubbi amerlanerpaamik 20-nik inuttaqarsinnaavoq:

- 1) Aallarniutaasuni (Indledende)
- 2) Anngunniunerni (mellemrunde)
- 3) Ajugaaniutivinnerni (slutrunde)

a. Unammisartut allattorneqarfianni unammisussat amerlassusaat naammatsillugit nalunaarutigineqarsimappata unammiaarnerup taassuma iluani taarserneqarsinnaanngillat, amerlanerpaaffissaalli inorlugit nalunaarutigineqarsimappata unammiaarnerup taassuma iluani ilaneqarsinnaapput atit naammattunngorlugit.

b. Unammisaqattaarnerni tullerni unammisartut allanik taarserneqarsinnaapput.

Imm. 4: Pulje-kkaarluni unamminerit imatut ingerlanneqassapput:

- 1) Puljeqatigiit tamarmik imminnut unammissapput
- 2) Ajugaaneq 3 pointimik naleqarpoq
- 3) Naligiinneq 1 pointimik naleqarpoq
- 4) Ajorsarnek 0 pointimik naleqarpoq
- 5) Pointit katinneqarnerini holdi pointeqarnerpaaq puljemi ajugaasuussaaq
- 6) Holdit marluk amerlanerilluunniit pointeqatigiippata ima iliortoqassaaq:
 - a) Imminnut unamminerminni pointit amerlanerpaat
 - b) Imminnut unamminerminni isertatigut isertitsivigineqarnermilu inissisimalluarnerpaaq
 - c) Imminnut unamminerminni isertitat amerlanerpaat
 - d) Iligiit a)-miit c)-mut tulleriiaarinermi sulii assigiimmik inissikkunik piumasaqaatit e)-miit i)-mut allassimasut atuutilissapput
 - e) Unamminerini tamani isertitat amerlanerpaat
 - f) unamminerini tamani isertitaqarnerpaaq
 - g) Unammersuarnermi sungaartunik aappalaartunillu takutitsineq tunngavigalugu katillugit minnerpaaffilerneqartut.
- (aappaluttunik allagartaqarneq = 3 point, sungaartunik allagartaqarneq = 1 point, unamminerini marlunnik sungaartunik takutitsineq = 3 pointit)
- h) Makititsinerit



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



Imm. 5: Semifinalimi naligiinnermi aammattaaq 3-nngorniunnermi kiisalu naggataarutaasumik unamminermi (finale) naligiinnartoqartillugu unammineq 2 x 15 minutsinik sivitsorneqassaaq. Tassani aaliangiisumik pisoqanngippat isertitseriaqattaarnermik (straffespark) unammineq aaliangerniarneqassaaq. Unamminissat piareersaasiornerini taamalisogarsinnaanera piffissamik naatsorsuusiordermi ilaariissapput.

Isertitseriaqattarnerni holdit tamarmik isertitseriartussanik assigiinngitsunik 5-inik pissarsissapput. Isertitseriartussat taakkuussapput arsaannerup sivitsuutaata naammassinerani arsaaffimmi isersimallutik unammeqataasuneersut. Holdinit tamanit tallimat isertitseriareerpata, holdillu sulii ajugaasoqaratik naligiinnarpata, isertitseriaqattaarnerit ataasiakkaarlutik ingerlanneqassapput, arsaaffimmiittut isertitseriarneqanngitsut isertitseriartoralutik. Ajugaasoqassaaq holdip ataatsip amerlaqatigiinnik isertitseriaqattaarnerni ataatsimik qaangerneqarnissaata tungaanut. Målmandi arsap isimminneqarnerani minnerpaamik isikkamik ataatsimik måluni titarneq attuuassavaa.

Isertitseriaqattaarnerit ingerlanneqarneranni målmandi ajutuussagaluarpata taarserneqarsinnaavoq.

Imm. 6: Naggataarutaasumik unamminerit aamma tamarmik imminnut unamminerannik aqqissuunnegarsinnaavoq, tamannalu pingasunik periarfissaqarpoq:

- a) Holdi pointinnannerpaajusoq ajugaasuussaaq
- b) Pointinnannerit marluk ajugaaniutivitsinneqassapput
- c) Semifinalit imatut ingerlanneqarlutik nr. 1 nr. 4-mut unammilluni , nr. 2 nr. 3-mut unammilluni. Taakunani ajugaasut naggataarutaasumik (finale) unammillutik.

Imm. 7: Meeqqat unammisaqattaarnerini malittarisassat aqqissuisunit KAK-p najuutsitaa suleqatigalugu nalimmassarneqassapput

Imm. 8: Unammersuarnermi qullersatut akisussaasuvoq Kalaallit Arsaattartut Kattuffiat.

Imm. 9: Ajugaanniutivittoqalartillugu inuiattut erinarsuut appinneqartassaaq.



Nunatsinni arsaanneq ataatsimoorfigaarput





Kalaallit Arsaattartut Kattuffiat
Issortarfimmut8, 3900 Nuuk, Tel; 557773
Email; kak@kak.gl Web; www.kak.gl



§ 16 Pillaatissiisarnert

Imm. 1: Unamminermi arsaattartuq toqqaannartumik unamminermi anisitaaguni tamanna unamminissamut ataatsimut peqataasinnaajunnaarnermik kinguneqartinneqassaaq. Pineqartorlu unamminermi akuerineqarsinnaanngilluinnartumik iliuuseqarluni anisitaasimappat, unamminernut peqataasinnaajunnaarnera unamminernut ataatsimit amerlanernut annertusineqarsinnaavoq.

Imm. 2: Unamminermi ataatsimi marloriarluni mianersoqqussummik tunineqartoq anisitaassooq, tamannali unamminermut ataatsimut peqataasinnaajunnaarnermik kinguneqartinneqassanngilaq.

Imm. 3: Unammisartuq unamminermi kingullermi mianersoqquneqareerluni unamminermut nutaamut ilannguttoq, unamminermi ingerlasumi mianersoqquneqaaqqippat anisitaassanngilaq.

Imm. 4: Unammisartuq unamminerni tulleriinni pingasuni mianersoqquneqarpat, tamanna unamminermi ataatsimi unammisinnaajunnaarnermik kinguneqassaaq. Unammisartuq unamminermi ingerlasumi anisitaassanngilaq, immikkoortoq 2 naapertorlugu mianersoqquneqanngikkuni.

Imm. 5: Unammisartuq mianersoqquneqarani unammineq naappagu, mianersoqqussutit katersorsimasat atorunnaarsinneqassappaut.

Imm. 6: Arsartartuq, sungiusaasoq sungiusaasulluunniit ikiortaa akuerineqarsinnaanngitsumik arsaaffiup iluani avataaniluunniit pissusilersorsimappat, tamanna peqataasinnaajunnaarnermik kinguneqarsinnaavoq.

Imm. 7: Arsartartuq 16.1 aammalu 16.4 malillugit peqataasinnaajunnaarnermik ataatsimit amerlanerusumik tunineqarsimasoq, unamminermut aatsaat peqataaqqissinnaavoq peqataasinnaajunnaarnerup amerlaqataanik unamminert ingerlareerpata.

Imm. 8: Klubbi arsaattartumik unammeqataasinnaatitaanngitsumik atorluni unammisimaguni, unamminerni unioqqutitsilluni unammeqartaasinnaanngitsumik ilaqarluni unammiffigisimasai tamarmik 0–3-mik ajorsarfiusimasutut nalilerneqassapput.

Imm. 9: Anngunniunnerit ajugaaniutivinnerillu aallartinnginneranni unammiaarnerni siuliini mianersoqqussutaasimasut anisitaassutaasimasullu atorunnaarsinneqassapput.

Imm. 10: Unamminermi dommerip akisussaaffigivaa mianersoqqussutit tunineqarsimasut nalunaarsorsimaffiat unammersuarnermi aqutsisunut tunniunneqarnissaa, taakkunangaanniillu klubbit eqqugaasut unammeqqinnginnerminni



Nunatsinni arsaanneq ataatsimoorfigaarput



ELITE SPORT GREENLAND





Kalaallit Arsaattartut Kattuffiat
Issortarfimmut 8, 3900 Nuuk, Tel; 557773
Email; kak@kak.gl Web; www.kak.gl



mianersoqqussutit/peqataasinnaajunnaarnerillu qanoq isikkoqarnerinik
paasissutissiiffiqineqassallutik.

§ 17 Ajugaanniutivinnerit

Imm. 1: Peqatigiiffik pissartanngorniutsitsinissamik aaqqissuisoq KAK-mik suleqateqarnissaminut isumaqatigiissuteqassalluni pisussaaffeqassaaq, tassani ilaatigut erseqqissarneqassaaq pissartanngorniutivinnermi kikkut akisussaannersut kiisalu KAK-mit kikkut sinniisuussanersut.

Stk. 2: Suleqatigiinnissamik isumaqatigiissummi ukua ilanngunneqassapput: Illoqarfimmut allamut unammiartortut unnuisarnissaat, dommerit unnuisarnissaat, unammisartut dommerillu tikiffissaannut aallarfissaannullu assartuunnissaat, unammisartut dommerillu atisalersortarfissaannik uffartarfissaannillu pilersitsineq, unammiffiullu unamminerit tamaasa malittarisassat atuuttut malillugit piareersarneqartarnissaa.

§ 18 PISSUTSINI ALLAANERULLUINNARTUNI

Nunarsuaq tamakkerlugu tuniluuttoqarsinnaanera pissutigalugu oqartussaasullu allat killilersuutaat pissutigalugit, unammiaaarnermut malittarisassat malittarisassanik matumaniit allaanerusut TU & KAK-p allanngortissinnaavai.

Nutartigaq:

Atuutilerfia;

01 juni 2026, KAK-mi turneringsudvalg-i (TU)

Sinnerlugu;

Aqissiaq Ludvigsen
Aqissiaq Ludvigsen



Nunatsinni arsaanneq ataatsimoorfigaarput

